



止齋先生文集卷之八

律詩

村居二首

業已將身落耦耕時於觀物悟浮生擇栖未定鳥離立避礙  
已通魚並行野老窺窠占太歲牧兒敲角報殘更絕勝倚市  
看郵置客至還無菜甲羹

野衣農圃雜華髮弟兄同佚老便居僻貪閑喜命窮習成杯  
酌少脫落語言工危坐看流景新萌又落紅

和宗易作屋之什

欲因舊築倍勞形昔在先生配二程梅樹護持供北顧萱堂  
潤色作東榮但堪樽俎來三益何必藩牆屏五兵若徒茶蔭  
多乞我亦令兒輩記家聲

送縉雲葉正初兼簡杜伯高



我固聞人非草草君於前輩亦拳拳經師未數邾夫子筆力  
方窺李謫仙所恨尚於收第晚將詩空與昔時傳頻年不信  
燈花報報得人來亦可憐

和宗易賦素馨茉莉白蓮韻

軒牕一日祭三英盡室無塵眼倍明閩粵固嘗於絕美風騷  
猶未及知名羞將姿媚隨花譜愛伴孤高上月評獨恨遇寒  
成弱植色香殊不讓梅兄

沈仲一送菊自言封殖之勞欲得詩為報為賦三絕

東籬何在菊年年菊視陶詩竟孰賢未必緣詩花更好花將  
詩與萬人傳

霜整風味小槽春新樣官衣試麴塵麴同醴一段秋光誰領  
此芙蓉尺子桂陳人

愁乾手自搭連筒苦雨丁丁代小蓬乞得花開急催客明朝

恐已看霜紅

仲一以詩來用韻奉荅

陪侍經帙涉歲年亦嘗尚論鞠衣賢如今三嗅馨香泣惟恐  
將詩去浪傳

嗚咽苔移玉座春昔年曾危危獨車塵重陽不見黃封酒只見  
餐英獨醒人

剩有新詩入通簡言無能畫作披蓬金錢翠蓋相輝映着我  
黯然酒借紅

寄題薛象先新樓

矮簷風雨送蝸牛有客來誇百尺樓闔郡臺池皆下瞰背城  
湖海亦全收清時未放徒高臥半世何為故倦遊解盡囊金  
君計決月明長笛起漁舟

立春



千官勒馬謝幡勝萬國鞭牛占雨晴誰據槁梧相近午頻車  
徐轉鼻無聲

除夜用前韻

春來十日垂垂雨歲盡今朝亦未晴衰老見年殊不覺臥聽  
穿葉打窗聲

送子婿林申甫還侍

鏘鏘笙磬阼階東穆穆黃泥玉瓚中近在門闈無此稱老未  
襟抱更誰同幽燕遺恨須收第孔孟微言要忍窮精舍一區  
泉石好何時相就看冥鴻

遊趙園

主人避客竟何之雨過停梳落日遲賴有畦丁曾識客來禽  
花送兩三枝

赴林宗大招賞牡丹之作

剝豨要春酌團樂得晚晴千花名品下一草病身輕文會非  
枚轄清歡勝絕纓倦遊吾獨愧歸赴兩山明

寄謝懷英高士

聞君已得崑山請顧我方當絕跡時欲葺止齋猶未就箇中  
應有草堂資

和張端士初夏

綠陰四合水迷津春去雖然却可人無數飛螢窺案帙有時  
乳燕落梁塵滿塘荷蔭將還舊試火包香又新新短夜得眠  
常不足僧鍾遮莫報昏晨

屈原賈誼陶淵明文辭皆喜道孟夏而悲樂不同雖所遭

之時異要亦懷抱使然爾端士寄夏日一首若無聊然因  
和其韻頌初夏之美以解之

送周介之同年赴德化宰



民社須吾黨江湖足此情不堪秋暑近欲趁莫潮平拙官成  
華髮憂時自短髮君看廬阜石千載尚垂名

謝林默之居士惠酒居士山居方與世絕尚欲友此  
廢人耶小詩舉發一笑

不將鷺鴨惱比隣林下蕭然老幅巾乞與青州十從事添成  
明月兩閒人

戊午壽國舉兄

一母分身四白頭從今家事付兒流只須老草供觴未乍可  
婆娑伴釣遊勞世萬人輸暇日好天一雨薦新秋平章何物  
自為壽三十餘年晏子裘

山齋即事二首

性已耐岑寂老應忘隱憂齊年雙白髮盡日一蒼頭竹間  
門鑰蒲團數漏籌未知庭廡下還有雀羅不

教子時開卷逢人強整襟再貧看晚節多病得初心地僻  
蓮好山任竹樹深寄聲同燕社明月又秋砧

戲題止齋叢石

雖無壁立翠琅玕聊當庭前犢鼻視我亦聞之方伎者衆山  
皆大小為尊

重陽和朱直方韻

衰老登臨得並家絕勝十載向天涯直須與世為陶令謹勿  
令人識孟嘉藍水悲吟空雅健牛山醉墨謾欹斜誰知竹葉  
雖無分一笑何妨菊自花

用徐叔子韻送其過毗陵

家食年年未解忙浮沉間里但壺觴偶勝他故趨吳會可使  
吾徒憶魯狂曲水風流王逸少鑑湖窮約實知章請於百尺  
樓頭上下視人間有肺腸



送四明汪文子

文成經生少官輕舉子繁誰能堪遠後相與及微言茂來留  
春雨新愁起夜樽斯文吾不敢短句送歸轡

寄九江宋居士

篋中每閱所歲書長憶滿湘九宛餘一別十年身尚健恨無  
飛羽過匡廬

和劉進之

水柱劉又句縹袍范叔寒所親多物望相識半人寒今老猶  
徒步吾窮亦厚顏幽懷真易足萬卷屋三間

己未上巳清明

霖霖故作落花天佳節重重倍悵然雖有庭除臨曲水更無  
尊俎試新烟醪醲雅欲延春賞柱宇遠能破晝眠賴得二昆  
同一客藤芽浦笋短藥邊

和林宗易上巳韻

鼗鼗曙鼓五更初枚數何門可曳裾孰與課兒翻故紙幾曾  
緣客掃精廬常饒未免時中酒多病安能強著書自笑無才  
供視草徒勞身後問相如

和林宗易雨後韻兼簡沈仲一

溪山秋色日侵尋一水循除萬木陰幸有新炊送農扈可無  
勝踐盍朋簪蒲荷綿亘衡從故鷗鷺追隨下上音寄語北湖  
休獨自摩挲周鼎與商鶯

張端士以詩送蘭蕙因和其韻

暮春堂上抱天和時落紫菲與客過客有可人須語似新篁  
來看玉森羅

寶壇寺林宗易韻

夢回齒頰自天香何必招魂怨渡湘少待精廬天向曉有未



嘉客歲為常雲山鎮雁魚蝦市煙雨莊嚴橋柳鄉最好題名  
慶石闕可題周曆萬年長

答朱翔遠見別之作

總角相看五十年行藏殊轍各皤然豈無子美書成束欲還  
相如賦上天俗眼不寬多小謹交情何限復長篇乘壺偶自  
兵厨至聊助征帆一醉眠

嘗語客尊鱸橙蟹的對或言今年斗門堅寒故蟹不  
上又今秋風急鱸魚亦鮮余發一笑因成二十八字  
尊鱸有玉西風急橙蟹無金東海深祇為酒醒愁夜水二蟲  
得失我何心

因客說秋林水傷復用前韻

風踏不須鹽豉好霜整須着酒船深無由種林求旁舍旁舍  
秋頰已蠹心

己未生朝謝莘叟兄送梅

無歲探梅不恨遲緝齋今送兩三枝也知造物多生意亦為  
畸人解笑願壬子恰同身墮地庚申還值國開基數家誇  
明年好好在長貧誦繫辭

又

莫笑栽培日月遲待看老榦及孫枝天將賜去春回首人與  
花同雪滿頤萬里隴頭空故蹟孤山籬落但餘基至今佳句  
無人繼誰與招魂着楚辭

覓花

背山面水竹週遭雖乏樓臺氣已豪更得好花千百本中間  
容我誦莊騷

和徐魏叔見寄三絕

蒲團坐閱歲如梭不管門前雀可羅投贈紵衣終薄物道人



微笑已嫌多

紈袴何嘗不誤身  
梁園金谷草長春  
送將重錦齊三十  
笑殺生芻一束人

獨向心源識背趨  
豈於身外較精粗  
凄其下視人間事  
區區地一夫

和朱宰遊丁園韻

榆火逢佳節  
棠陰接勝遊  
移樽忻及暇  
乘屐共尋幽  
日靜竹光合  
風喧花氣浮  
主情殊未倦  
衰暮為遲留

庚申上巳

何事

天低雨露慳  
一遺晚百感  
又春闈墨客山

陰竹騷人消外  
蘭誰知千古意不在  
游間

清明後一日宴客  
明日宗易送牡丹  
有詩次韻

客去朝醒惡  
詩來晚思和  
名花如洛上  
佳句近陰何  
雨故妨

新火春應墮  
夢柯莫將行樂地  
蝸角動干戈

和江仲嘉樓大防  
二尚書賀鄭貴和華  
文休致韻貴

和四明人從其子  
泰興為瑞安主簿

簪笏相摩入殿廬  
人皆自笑此區區  
豈無隻字踰華廈  
未必千鍾勝餅蔬  
吾見北山多後倦  
誰如東里竟先驅  
追隨曳屣  
粉榆社猶及香山  
退傳無

歸然名節萬人尊  
詩落文昌帝九閭  
毫及衛公還失策  
早如踈傳亦傷恩  
華文延閣如今少  
神武備門自古存  
我與東樓最欣慕  
掖垣燈火幾同論

寒食早起圍爐中  
戲和林宗易韻二首

疊帳重裘更怯風  
絕憐寒食到匆匆  
一春不見花開落  
但說栽花費幾工

春工偏以速為神  
誰管沉痾未覺春  
禁得春寒長恣賞  
甘心



翰與少年人

晚移舟塘次值風而回莘叟兄有詩次韻

經春屏跡與誰同苦雨衣箒亦自烘方此欲為官况事依然  
不值世情風篆葦水國蒲荷蕩馥郁田家橘柚叢最是一年  
行樂處翻成咄咄坐書空

送四明方伯起

世事關分合人情看短長君應愁富貴人已畏文章好立觀  
雙鬢追隨客累觴未知歸定否吾亦愛吾鄉

送楊渭夫入淮

老去關心寂語離不堪離久會還希君方慷慨思於振我已  
婆娑喜情歸萬事莫如身自愛十詩亦與世多違倘將書寄  
南來鴈且問瓊花果是非

從族叔覓老桂

他山有桂光鬢鬆好植梅旁伴槁容着我對吟前赤壁乞君  
分與左青龍陰牆之樹宜無取我風無州我樹無益屋於  
東本不凶屋語有以問陳益恭想短章蒙一笑便呼鋤鑿破  
苔封

蓮花

伯仲之間竹與梅魏姚聲價浪崔嵬雖然亦混魚蝦處風度  
自從立整來

寄林宗大

春已無情雨妬花病還妬客到花家今當未雨終身健杖屨  
來者半吐葩

和莘叟兄詠張子房韻

不緣多病遽懷安闔盡人間萬事難諷以笑談分楚漢竟持  
功業付蕭韓



朱及之以所種荔枝結實招飲不及赴以詩謝之  
閩譜余嘗第狀元年來雖見僅名存貢存天寶猶徒擾試  
相如亦妄論每羨朝陽私沃壤正愁秋雨妬芳樽絳衣三  
今何夕照我西歸十二軒傲存云二以飄雨

後徐一之覓菊

我欲作亭題獨立苦無翠蓋著金錢園林百輩皆名勝為  
西風乞元貞

土盆瓦斛空中久羞見重陽插滿頭寄向柁樓煩送似  
垂蠶待新菊

次韻奉扇徐一之送菊

桂叢蘭畹情無諱但有哀鴻天一涯節物更誰知白髮交情  
於此見黃花聲名獨立空秋際香色平鋪與露華南雅未收  
騷致意騷人應欲補詩葩

迂植姪得男朱文昭寄詩於湯餅集即席和韻

喜說徐卿得二雛吾家波及亦君餘青衫手板宜從此斷簡  
家裁莫付渠但欲健如黃犢走不妨錯寫美麀書更看湯餅  
頻頻供笑索梅花到歲除

送鄭主簿泰興解官歸四明

師友於今說鄭鄉親庭分付舊行箴但知職分宜棲棘盡把  
聲名屬越棠一字未曾緣薦墨扁舟終可着詩囊問津漁浦  
多西笑獨為菜菜味更長蘇興以乃鐔華文光不能辨迂

送孟延昌歸蘭溪

典同周命士律協漢諸郎師友今千載妻孥各一方髮從何  
處白菊有去年黃惜別無多語關睢三斷章

劉進之飲蕃叟弟筠亭且賦詩余與蕃叟族居蓋  
屏迹不出各數年於是有感次其韵



判與漁樵日往還  
鶴亡蜂遁徑苔斑  
何人不棄尋常事  
有弟相忘咫尺間  
寬網及余端已老  
祥琴相爾未應閒  
但將丘壑全分付  
可待移文始厚顏

林宗易劉進之見訪有詩再用前韻

牛年日夕鳥知還  
休說年時玉笋班  
四皓亦嘗空老去  
二疏不在共功間  
脩書尚覺歸期晚  
隱几兼忘水日閒  
况有宸章長對越  
昭回雲漢不違顏

題錢宰吸光亭圖

棲身雲夢八九上  
用意風雲五六間  
惟有澄波兼皓月  
尚憐波月蔽虧山

止齋先生文集卷之八

止齋先生文集卷之九

挽詩

擬進 御製

孝宗皇帝挽詞五首

九廟威靈遠隸一三宗德業尊  
謳歌思藝祖曆數在神孫  
欲

返皇圖正先推帝繫恩  
諸儒議東嚮此意定初元麟紀元

但謹雞鳴問何知  
鶴髮侵石經方典學盟載更關心  
四海竟

喪畢三年舜慕深  
匆匆付神器長樂尚沾襟

神機規禹迹鬼膽破胡兒  
大號初歸我成功少待時  
健橐懷

不滿簞食問何遲  
河洛空遺恨年年上玉卮

好學元無數忘疲  
晚有加明謨宗六藝妙用合三家  
照映天

經緯流傳士齒牙  
奎文尊閣處更合榜重華

群才何輻輳聖度似天寬  
清蹕留儒館黃金散將壇風雲一



語合日月萬人看攀附今無路哀摧壯士肝

孝宗皇帝挽詞五首

藝祖開皇極何心界後昆天將翊光運世復見湯孫武接規  
模在仁追典則存煌煌宋宗社永永配乾坤  
添衷何自見寬詔不勝書當宁廷方岳逢人間里間歲為周  
委積家被漢編除巷哭彌天遠長江淚不如  
豈以崇高極能忘凜凜憂衣更三幹舊費為十金休態館無  
秋獵朝門絕夜遊恭惟懷顯德真可締孫謀  
正觀真英主三王合席幾此時生後聖端欲踵前徽濟世功  
何異除克志偶違辛勤三十載十漸更無譏  
不作脩齡夢天乎誰可謀白雲新厭世黃屋舊非心德業成  
千古間寢八音鳥號在何許霜重越山岑  
挽吳明可給事

諸老俱淪落流風日轉移獨懷憂國意長說渡江時姓字誰  
如此功名早不疑却收瀛海氣燕坐雪垂頤

憶上諸生謁公方薄恙侵欣然蒙絮帽恨不醉花陰自說看

人熟相期晚歲深半天蒼蒼嶺雪回首為沾襟謂公之及前嘗  
嶺下天大雪明

日嶺上  
深數尺

挽木奉議諱之啓  
事尊人

寵數頻年及俞音萬口傳豐碑未少海大軸落台躔教子宜  
如此聞風亦凜然送車今塞道拱木肯參天東宮為壽以  
二字史

詩

盛事無虛得玄襟可自知偏觀同輩行誰似暮年時來見起  
椒殿簫韶送玉卮又宜天一笑獨此有遺悲

悼蔣昇仲承事

扁舟來往適吾真却笑旁觀道隱淪三釜豈無兒可就百年



要與酒相親賸栽梅竹皆緣客晚得冠裳不語人試向南塘  
問漁牧定於此老亦沾巾

挽族叔父

松竹深園屋 蓮贖種魚所愁賓客少不問稻梁餘盡日  
相語盈門手自書吾兒有名字萬事聽何如

我懷終古恨不及奉觴時滿眼看諸弟何心賦此詩牛年未  
嘗誓立墓去纍纍亦有千鍾養曾無一字碑蕃人自為

題丁少詹姑墓誌後

白髮從夫志青芻為客謀送車今幾兩樂土有斯立壽終  
猶子聲名甚他時雨露秋摩挲看石刻嗟惜到松楸

挽樓朝奉

裘馬朋簪盛緋魚筦庫卑行藏公論在然否寸心知歲晏曾  
三接民功僅一麾空餘華袞字有恨蓋棺時缺其墓

九寺方連茹專城又夾河晚看諸子好孰與一門多薄海時  
驚嘆亨衢忽薦瘡大連同厚夜其奈少連何

挽包顯使

樵牧常爭席篇觴早策功有懷隨事見不耻與人同我故奇  
諸子年來識此翁待看稽古力喬木已悲風

翁子看時輩平生不妄賢獨於公有誅惟恐世無傳他日須  
深刻吾詩可附聯草黃松栢禿名與石巋然翁誠之  
作行狀

挽張子由母

又是君王上玉卮未央雨露湛垂垂版輿此去還無恙芝檢  
重來更不疑四世團樂能有幾百年漸盡亦堪悲里中諸女  
今誰在聽說承平祐聖時

挽潘才叔母

剝啄唯深夜門前打小船有兒能自致此母已堪傳竹院前



聞熟桓楹大字懸病懷嗟不及健筆附諸賢

挽周宣義法華山人

無酒澆陳草將詩刻隨碑遺名從此在真意竟誰知教子還  
餘事周人亦有時憶嘗從夜話欲去更遲遲

挽蔡文何茂宏

勸駕嘗連萼應門忽二毛竟於時不偶吾更晚相遭宿草堪  
揮淚豐碑忍泚毫送車今幾兩誰最戀錦袍

挽薛季益尚書

編試江淮聲藉藉久勞荆蜀鬢蒼蒼同時半已登槐棘卒歲  
總能足稻梁遺藁不為他日計佳城尚及此丘麓豈無後作  
多文勝今我懷人淚欲滂

州里誰如此達尊戶庭深靜最情敦不將尺牘通當路却枉  
扁舟訪杜門每見色溫如有僞欲書心愧不能言從今若落

粉榆社好配橫塘兩獻樽公與許忠簡  
公居同鄉

挽彭通直子後監  
丞尊人

前輩如同郡派風僅幾人不令兒巧宦所尚世清貧及老猶  
書卷通班但幅巾吾銘雖未就鄉譽勝堅珉

挽沈次卿學正

洛學傳當代家聲屬此翁一生無世味萬事與人同恨不師  
前鄭欣嘗客阿戎宜銘千古意豈在語言上

挽林承信道夫  
人

重交寧問田安在急義固於官不知臚仕幸多花萼好幽棲  
宜與竹林期床頭周易吾將老案上楞嚴晚得師此意自應  
天子後嶧陽未琢長孫枝

悼林仲逸縣尉

家故書千卷生纔試一斑賞音殊不少筮仕獨何艱松菊持



身隱蘋繁忽涕潛幸哉賢玉潤有誅不容剛

挽張材卿知郡大猷尚書之子

彩輝不逮老瑞明世濟誰如好弟兄能着青衫偕計吏却將  
白髮去邊城夜魂俄斷疑香寢秋淚仍兼曳履聲萬石君家  
同一傳嗣書應更有公卿

挽新昌呂脩職

頃作庵廬客者公手種蒔溪毛無亂理宰木有連枝久欲鏡  
他石今還賦此詩黯然懷宿昔絮酒定何時  
不道千山阻將遺百世名有兒能自致此老已堪銘祿豈無  
三金賢誰似一經吾詞雖未就應有護幽局

挽尤延之尚書

自為師說竟誰宗每事持平屬此翁有志政須名節是斯文  
非獨語言工要令舉世人材出合在前朝行輩中安得長年

留把柁後來各與一帆風

宿留江湖長子孫行藏節節耐人看及為侍從身垂老欲試  
平生事轉難書就僅題前太史功成方記舊甘盤令人長恨  
經綸意歷事三朝見一斑

向來諸老獨歸然羸不勝衣萬事便燈下細書批勅字雪邊  
先着趁朝鞭豈應無故令身健却止功名與世傳遺奏定留  
封禪藁憑誰吹送九重天

杜歲從游兩鬢霜重來函丈各堪傷那知卒業今無及極悔  
論心昨未嘗相約歸期須次第獨存病骨更凄凉他年賴有  
門生記託在碑陰永不忘

挽沈虞卿侍郎

官重元非好思閒樂有餘生兒早傳業課女夜抄書誥事方  
關念歸懷不遂初經綸緣未了天意盍留渠



嗜古真成癖，摩挲笑眼開。斷編遺汲冢，名篆出秦臺。  
應盡雲山喚，不回淒涼子。雲宅問字有誰來。

挽東陽郭德誼

簪紱何能貴，聲名幸自脩。凡今為我友，幾半與君遊。  
軫墨千年托松梧，一夜秋令人懷。昔日炯炯夢丹丘。

悼楊休甫

袖手旁觀一世餘，元非親物亦非疎。酒邊每事如人意，燈下  
通宵讀我書。學到莊騷纔止此，生逢周漢定何如。西州相識  
無遺恨，獨恨無從慘子祛。

挽宋巖老參議

居然是是亦非非，錯處網中定不疑。萬事過人旁袖手，一生  
從衆自觀頤。肯為壯縣雖嘗試，略見周行已逆知。盡日杜門  
佳客至，小槽親校酒醇漓。

少小修藏近市朝，亦非着意混漁樵。不為禦寇猶爭席，好說  
淵明更折腰。一飯重違几子約，千金終却故人招。送車幾兩  
交相唁，我獨難忘最久要。

悼劉謙之知錄

海內多吾友，飄零今幾人。相忘尤墮淚，欲誅輒傷神。  
余歲元同 才力矜餘地，心期耻後塵。嗚然無一語，愁

殺白頭親

挽王興之提刑

四海王詹事，傳家有象賢。官情塵滓外，風誼典刑邊。遺愛依  
前鄭，羣居得少連。生平纔樂此，一夢涕潸然。

悼濟陽夫人

久接江山境，曾論子姓文。於焉觀內則，可以繼前聞。榛栗嚴  
賓豆，蘋藻潔祀芬。有人言不朽，片石合磨雲。



挽張春卿尚書

懷抱今遺直身名古象賢  
路車陳左塾笙磬在東懸  
再世星辰上三年雨露邊  
崎嶇空老去有識共潸然  
論建回天力生平與衆同居常  
焚諫草人自避乘駟朝暮  
張仲家聲近魯公挽辭吾不愧  
收入汗青中

悼翁仲立達州

憶昔看封事令人激懦衷  
邊籌皆破的硬語更盤空  
晚亦通家好居然與衆同行  
歲嘗論定誰假一帆風  
淮慎何多譽巴城僅一麾  
最善庸使上好語近臣知  
算路江山

挽劉端木司戶

十年共語昨來非長憶  
初年握手時身世自憐心  
炯炯功名猶恐論卑卑  
民彛亘古非蕪浚學者如  
公好冠資緩轡徐行

逢九軌可堪倏忽九原悲

挽林致賢提舉

一經韋氏學五桂實儀家  
每耻鄉評過深懲履道  
華人方貴全僻事已墮  
空花褒袞來黃閣千年  
置齒牙

挽劉茂實和州

欲課民庸元道州欲評  
人品馬少游居無一事  
可切齒薦有三公方掉  
頭送公歷陽令我愁目  
斷賓鴈書沈浮識與不  
識涕淚流人世安用頂  
封侯

鄉士大夫書說自明果然  
嗚呼悲夫自明為太學  
諸生數與余游乾道壬辰  
同試進士自明不第於是  
始別別三四年間自明以  
釋褐仕于朝而余之再至  
在所也則自明寔貴絕出  
其輩行間相過語至其歡  
狎悲壯與在學校時無異  
也余丞郡長樂會自明家居  
待台州闕更數往來嘗造



其所舍僧寺室中蕭然篋輿一乘老疾幾數復凡若干口日須婦翁米以為食而自明意象與在館閣時亦無異余每語人自明來日甚長也而今死矣自明言行焯焯在人耳目不但余能言之也余獨悲自明以喜事嫉邪取名於世而死最不幸好議論者曰是宜不良死也余觀自明立朝於進對苟得之間里廝役當諱而不以言上者具以情奏滿朝為危而自明雖即死不悔真若不愛其死者然其事毋孝左右不敢違晚得師友務為靖恭間雅不苟坐立雖一飲茹亦必揣度無害乃下口余嘗莖菌以進自明驚謂曰是可食耶往聞有食此死者至今不近也自明可謂重其死矣士患無志有志矣患不見知於上知而少不合輒不持重以究其用亦士之罪也方自明以母老請外去非上意天下皆以旦夕且復用自明又甚自愛而及於此何

哉是不謂之天耶故余為斯文也他不暇論於其死亟致意焉以見余悲且以鮮議者之惑亦自明之志歟有明長

樂人姓鄭氏名鑑詞曰

母曰余兒子吾莫知其何尤婦曰良人子吾曷為罹此憂兄弟不以是咎子朋友稱其好脩恭不得其故子庸強名之曰命相彼下堂而貽戚子或結縷以順聽萬不同或自取子曾二者孰失其正聲鬼神之所仇子人直躬焉是病胥屬鑿忽墮其前子屈魚腹以為穿竅禍作於牖下子顛奚悲而宜慶嗟子何傷子獨余懷不能以自勝尚或相爾爾孤子天終焉其有定



止齋先生文集卷之十  
慶元改元詔  
勅門下朕以眇身託于兆人之上惟日兢兢懼無以紹列聖  
之休而對揚 上皇之慈訓也永惟當今之務何者為急非  
欲百官脩輔而民力裕歟夫親君子遠小人慶曆元祐之所  
以尊朝廷也省刑罰薄稅歛慶曆元祐之所以惠天下也是  
彛是訓歷年彌長肆于中興舉偏補敝皆於此乎取法克至  
今日中外又寧朕幸蒙遺業繩祖武而敢一日忘此乎撥取  
羨號於紀元詩云不愆不忘率由舊章蓋庶幾周成焉其以  
明年為慶元元年故茲詔示想宜知悉

止齋先生文集卷之十

內制

慶元改元詔

勅門下朕以眇身託于兆人之上惟日兢兢懼無以紹列聖  
之休而對揚 上皇之慈訓也永惟當今之務何者為急非  
欲百官脩輔而民力裕歟夫親君子遠小人慶曆元祐之所  
以尊朝廷也省刑罰薄稅歛慶曆元祐之所以惠天下也是  
彛是訓歷年彌長肆于中興舉偏補敝皆於此乎取法克至  
今日中外又寧朕幸蒙遺業繩祖武而敢一日忘此乎撥取  
羨號於紀元詩云不愆不忘率由舊章蓋庶幾周成焉其以  
明年為慶元元年故茲詔示想宜知悉

括文神武成孝皇帝梓宮啓攢塗

奏告祝文



伏以兩楹啓殯六引徂東欲仍凡之神以即因山之吉  
敢先度告用奠安行尚享

啓撰畢梓宮還殿

皇帝行祭奠禮祝文

伏以厭世上賓終天永歎撤撰塗而即吉登薄海以攀號  
奠雖虔瞻言何及尚饗

發引前一日初更總護使行夜祭祀祝文

伏以三年之制念在終喪七月有期忍當明發共備祭事  
究哀悼尚饗

前引前期祭告錢塘錢清江龍神祝文

伏以於昭烈祖將祔思陵方六紼之問津維大川之借助  
仰忱請尚奠明聽尚饗

發引遷奠祝文

伏以仰止龍輜臨于丘隧方少頃於盤日庶永妥於賔天  
昭告何云哀摧罔極尚饗

掩撰前一日奏告

昭慈聖獻皇后

徽宗皇帝

顯恭皇后

顯肅皇后

顯仁皇后

高宗皇帝

憲節皇后撰宮祝文

伏以思皇烈祖徃祔諸陵當復土之及期願在天之垂祐不  
震不竦以永萬世之藏未幾來寧如同一堂之上尚饗

掩撰祝文

伏以遣車攸屆復土維新竟歲橋冢之衣冠莫覩堯天之雲  
日永懷弗及隕越何勝尚饗

九虞祭祝文九

一虞



伏以稽山仰止想祖烈之攸宣清廟肅如悵神游之未附於  
茲易莫何以勝哀尚饗

二虞

伏以蒙衣安在曷堪丹旆之思虞凡是憑尚系靈壙之念道  
周之薦海內如推尚饗

三虞

伏以亘古永違貽孫謀之如在自今始吉嗟孺慕之何辜三  
薦既陳長號罔措尚饗

四虞

伏以信信宿宿暫安於神棲子子孫孫永懷於祖武方舟而  
濟有淚如傾尚饗

五虞

伏以維堯傳舜俄同闕於衣冠自越入吳迺獨還於嬰衛望

如弗及哀曷能勝尚饗

六虞

伏以念茲皇祖恣當昌歎之陳瞻山彼昊天痛極胡髯之逝恭  
迎仗衛疑對音容尚饗

七虞

伏以濤江限斷嘗攝事於攸司郊次森嚴方飭躬於斯薦故  
依永已慟哭何云尚饗

八虞

伏以顧瞻橋冢已深萬古之藏想像袵衣尚御重華之舊反  
虞將畢追慕采新尚饗

九虞

伏以百神受職來奉於主車三后在天行并于祖廟哀哉永  
訣忍此終虞尚饗



掩憤畢謝土神祝文

伏以於皇烈祖來附思陵允惟百神襄此大事敢忘答既更  
三明聽呵護之象永無數尚饗

安南國王李龍翰加恩制

穀門下朕宣室受釐言念梯航之遠揚廷乎論載疏綸綉之  
恩以昭烈祖之宏摹以篤价藩之丕祉推誠順化秉信守  
奉國履常懷德謹度思忠功臣特進檢校太尉克靜海軍節  
度觀察處置等使兼御史大夫上柱國安南國王食邑一萬  
戶食實封三千八百戶李龍翰恪勤厥服紹美于前克提千  
里之封勿替累朝之好霜露所墜固同洽於至仁滄海不波  
蓋良繇於多助維時嗣服有事合宮亦遐想於彌恭莫共陪於  
肇祀駿奔在廟雖阻脩齋嘽之儀旅實充庭嘗與備蕭茅之  
享肆盼新渥爰廣舊封裒載藉之名言侈元勳之顯漏於戲

閱予訪落疇在公助祭之勞嘉乃象賢謹與國成休之度於  
焉申錫其尚欽承可依前特進檢校太尉克靜海軍節度  
觀察處置等使兼御史大夫上柱國安南國王加食邑一千戶食  
實封四百仍加濟美功臣散官勳如故主者施行

賜徽猷閣學士太中大夫知襄陽府張杓辭免改差  
知建康府恩命乞在外宮觀不允詔

勅具官某省所上表辭免恩命事具悉爾獨不聞故國世臣  
之說予而來諗疾也夫保墳墓孰與成先正之美休祠節義  
與圖累朝之報智者當有所擇矣式遠其驛毋事差違所終  
宜不允

賜文武百寮宰臣趙汝愚等上表請

皇帝還內不允批答

省表具之朕遭家多難慄乎懼不足以當大事願天之靈宗



廟之祐迺者壬寅獲與同軌附烈祖於思陵而遣車祖東  
主未返仰止稽山明發不寐皇皇望望未知所為也公卿百  
辟其何以慰朕而欲徇故常之請還唐內平方將與命于  
上皇以供養仍九虞侍兩宮為事所請宜不允

賜趙汝愚等再上表請

皇帝還內官允批答

嘗表具之夫會朝之器謹非所以示下宿衛之暴靈非所以  
持久朕豈不熟慮此歟但以任奴之養未忍遽離阜陵復工  
盡亦宿留是用却前請而勿聽也今承命三官皆曰不可百  
辟卿士又懇懇以為言朕惟捨獨見以從衆允徇大權而勝  
私誼自古后王鮮不由此顧如中人其敢哱親專之意抑臣  
庶而弗省乎所請宜允  
止齋先生文集卷之十

止齋先生文集卷之十一

外制自紹熙四年正月以後

皇后歸謁家廟親姪忠訓郎閣門宣贊舍人幹辦軍  
頭司李孝純武經郎帶 御器械幹辦皇城司李孝

友各特轉右武郎

敕具官某等朕惟古后妃有求賢審官之志而不私謁而人  
主則特隆於肺腑之親夫惟后妃彌遜人主彌恩斯可觀已  
日者吾后省家廟爾某皆以猶子祗服厥事朕何愛一橫行  
郎而不以寵汝惟無忝爾祖以長守富貴則予汝嘉可

皇后親姊故任武節郎閣門宣贊舍人致仕霍漢

妻平涼郡夫人李氏封成國夫人故任武經郎致仕

馬煥妻安化郡夫人李氏封信國夫人忠訓郎

廉妻彭原郡夫人李氏封崇國夫人



敕朕惟古后妃有求賢審官之志而不私謁而人主特隆於肺腑之親夫唯后妃彌遜人主彌恩斯可觀已其位某氏夙以淋惠友于坤儀日者翟車還省家廟越來相事禮無違者其益湯沐視君夫人尚服寵榮以綬壽祉可

皇后親姪孫承節郎李瑜李榮各轉兩官

敕具官某等日者吾后還省家廟朕循故事推恩后族自專及卑罔或遺者尔以幸會爰進二階豈不禁哉尚務增共以綬爾祉可

皇后親姪婦故忠訓郎贈文州刺史李武妻安人潘

氏右武郎帶御器械幹辦皇城司李孝友妻安人趙

氏親姪女通直郎充點檢贍軍激賞酒庫所幹辦公

事韓松妻安人李氏並持封恭人親姪孫孫女右武

郎帶御器械幹辦皇城司李孝友女孺人李氏特

封安人

敕具位某氏朕惟古后妃有求賢審官之志而不私謁而人主則特隆於肺腑之親夫惟后妃彌遜人主彌恩斯可觀已日者吾后省家廟爾以猶子實來相禮朕嘉典之用益汝封尚服寵榮以無違我齊家之化可

皇后親姪女夫通直郎充點檢贍軍激賞酒庫所幹

辦公事韓松特轉一官

敕具官某日者吾后還省家廟朕循故事且酌有司之議推恩后黨而爾來自勲朕雅有能稱眷在甥館亦與幸會至於增秩豈不禁哉尚務增共以綬爾祿

皇后親姪女之子從事郎韓大用大任各循兩資

敕具官某朕惟古后妃有求賢審官之志而不私謁而人主則特隆於肺腑之親夫惟后妃彌遜人主彌恩斯可觀已日



者吾后省家廟爾等迺以諸甥亦與幸會例進兩階豈不榮哉尚朕寵章無忘忠報可

皇后親屬進武校尉韓大有特轉承信郎

教具官某日者吾后還省家廟朕循故事且酌有司之議推恩后黨而爾以諸甥亦與幸會例進一階豈不禁哉尚朕寵章無忘忠報可

皇后閣提舉官武功大夫帶御器械楊舜卿轉親

察使

教具官某等方用盛時后妃永懷賢士大夫僕馬俱病而不敢私謁於上徒欲為觴酒勞苦之而竟不可得慨嘆而已尔服勞官闕迺以吾后有事家廟之恩至特廉卓豈不榮哉而樂之周人何其幸也尚朕寵章無忘忠報可

皇后幹辦宅從義郎張友直忠訓郎沈直各特轉一

官

教具官某等朕酌有司之議推恩后族而及其私人爾等適與幸會各進一階其尚恪恭毋替爾事可

隨龍備武郎閣門祇候兼皇后閣主管進奉索佐額

內翰林醫官太醫局教授王良佐成安郎陳翊額內

翰林醫官郭儀忠訓郎幹辦人船伊昱忠訓郎主管

文字傅昌時忠訓郎掌殿奏劉玘忠訓郎主管進奉

周良臣成忠郎掌殿奏黃允文隨龍成忠郎浙西安

撫司準備將領主管進奉趙友信成忠郎私名掌殿

奏吳衍保義郎王寧費師旦承信郎陳琪承信郎轉

運司準備差使王演承信郎魏嘉言承節郎薛拱承

節郎幹辦人船李被進武校尉私名掌殿李大受該

遇皇后歸謁家廟並特轉一官



敕具官某等日者吾后遷省家廟朕循故事且酌有司之議  
推恩右黨而及其私人爾等各以幸會至於增秩豈不榮哉  
尚務肅給毋怠其事可

兼義郎韓侂胄特授閣門舍人

敕具官某朕永惟舊相有勲勞於我家而其裔孫或蒙歲里  
之澤越在右階無以著見唯是試之後省以發其文官之上  
闕以華其選尚庶幾焉爾其懋哉用俟明陟可

皇伯太師嗣秀王伯圭合得冠帔一十五道並特換  
封孺人賜親屬內欲將一名與故妻秦國夫人妹宋

氏封孺人

敕某氏古者驕勲賢之勞則及其私人况所尊敬自吾  
壽皇以兄禮之者乎况其君夫人父之同產子乎以其貶恩  
爵為命婦雖過於惠朕何愛焉可

閣門宣贊舍人游恭特授武德郎落閣職推發遣臨

安府文馬鈴轄

敕具官某爾男爵也習於階兼之儀而不閑軍旅之事非設  
官之意矣第其久勞優以增秩試移賓政往治戎韜其務赴  
功以須器使可

起復武功大夫文州刺史興元府駐劄 御前右軍

統制兼知鳳州郭諱特轉復州團練使令再任

敕具官某朕以禁旅扞邊而擇將以撫馭之閱歲云久西顧  
晏然方眷其勞就進戎團之峻尚難其代故遲瓜戍之更爾  
其茂對新恩踐修舊績戎嚴式律兼緝郡條朕不汝忘將有  
明陟可

皇元沂州防禦使權王奉吳王祭祀多才磨勘轉明

州觀察使



敕朕崇長宗支以綿帝繫高爵厚祿宜與共之而猶計歲課  
勞循次而進所以昭至公謹成憲也具官某信厚以為質  
共以自將入不恃家人之恩而出無違於闕庭之禮况以寡  
屬于今幾人則徑陟廉車誰曰不可而必中有司之度積十  
年然後進之豈朕有所愛哉然而身無吏事之責孰比法從  
之崇其視匪躬盡瘁沒齒下僚者又何其幸也宜對殊渥無  
忝所生可

武功大夫和州防禦使權知閣門事兼客省四方館事  
韓侂胄特與落階官臣寮繳奏特與轉行右武大  
夫

敕嘉祐治平之間爾先正可謂社稷臣矣肆列聖寵嘉之施  
及于孫簡在戚里於焉尚主於焉納后凡可以熾韓氏之門  
者無愛也具官某蚤以才稱荐膺器使庇職上閤宣勞累年

唯彼橫行賞典所吝獨以命汝庸示殊恩一以懽慈福之心  
一以大忠獻之後蓋亦自勉庶穆羣言可

武功大夫集慶軍承宣使入內內侍省副都知張安  
仁除入內內侍省都知武功大夫祁州團練使入內  
內侍省押班李彥正除入內內侍省副都知

敕具官某朕嘗稽之周制內宰隸於天官夫古道誠未易擬  
也至於建隆舊章尚有宣徽院之籍今亦廢矣而別為地司  
則為之長者顧不當謹擇其人乎是用命爾以肅禁甲蓋親  
近之義識察之詳矣其益靖共以身率屬毋使外廷謂汝不  
稱可

武功大夫和州防禦使帶御器械于惟脩武功大  
夫明州觀察使帶御器械楊舜卿並除入內內侍  
省押班



教具官某自宣徽院之籍廢而北司之長蓋難其人朕既差擇之矣則參伍其間以相內治苟不有以自異於輩行而識風指謹憲度者皆不在此選也然則爾名在四人之數豈亦思報稱者哉可

張祐正係隨龍祇應勤勞特補承信郎

教某日第攀附之勞而偶遺汝蓋累年于此矣爰詔有司授之初官以見朕懷不忘疇昔可

武節郎御前祇應鄭孝友應奉有勞特轉一官

教具官某服勞左右雖無顯庸閔日進官亦闕之舊可

殿前指揮使左班年代上名劉成等十五人授脩武

郎許元等三人授訓武郎御龍直上名方正等三人

授忠訓郎殿前指揮使左右班守闕行門蔣榮十三

人授從義郎東第一班上名莫勝等四人授承節郎

散直上名孟端等七人授承信郎

教某等饗衛士而遣之古也而命以官則彌恩矣往祇吏職毋者忠勞可

皇弟右監門衛大將軍復州團練使多助皇弟右監門衛大將軍成州團練使多能實及一十年並該磨勳轉防禦使

教具官某等朕崇長宗支以綿帝繫而猶計歲課勞循次而進所以招至公謹成憲也以爾靖共簡在近屬眷焉增秩誰曰不宜而須暇十年以中有司之度豈顧有所愛哉以此風厲則為士者勸矣可

入內內侍省東頭供奉官降授寄資武功大夫遙郡刺史霍汝翼轉歸吏部除帶御器械

教具官某自以諸司使改今寄祿官而內侍與戎行雜矣然



而名不在銓曹之籍則猶非秩官是則異焉耳轉而屬銓斯為  
罷逐爾其敬哉母曰序進可

招箭班殿侍嘗彦澤在班及十五年補承節郎仍舊  
存留在班祗應

敕具官某方罷遣衛士而次第官使之爾以藝成令祗舊次  
宜益矜舊以須後思可

瀘州軍變守臣張孝芳被害特贈三官與兩子恩澤  
敕具官 朕觀春秋書盜殺其人夫謂之盜則非死者之罪

矣蓋喟然歎曰士大夫或死於不幸而無所歸咎者焉則其  
所遭之變非必有以取之此仁君之所務白也國家閑暇士

馬飽逸受命分閫尊重難危而爾曾無咎端獨罹不測之禍  
夷攷其治皆率故常則盜起帳下非春秋之所不罪者歟雖

然世無叛兵久矣庸人為將高枕有餘爾以名流頽至於此

恤典之隆豈但汝哀亦以使繼今者之知懼焉可

瀘州被害官兵故節度推官杜美贈兩資與一子下  
州文學故忠訓郎瀘州駐泊兵馬監押安彦斌贈三

官與一子承信郎故下班祗應潼川府鈐轄司指揮  
雷世忠贈承信郎

敕具官某等苟能効死於其長上皆忠孝之徒也  
爾等義不顧身各死於帥恤典之厚朕豈有所愛哉可

儒林郎前瀘州安撫司幹官郭仲傳失覺察本廳  
候張信為亂首亂作復與賊宴飲相為賓主特降三

資放罷  
敕具官某帥死于亂卒而爾為屬顧欲以卑調自全可乎前

之三階尚用中典繼今有耻亦豈汝棄可  
太史高測驗渾儀刻漏所學生周奕特補挈壺正



教其令官類非古稱謂而擊壺氏見於周官爾以諸生馴致於此亦宜知所職矣可

備武郎閣門看班祇候霍寬夫供職實及二年與落看班二字

職具官某謀其年勞正其名稱非徒以叙遷也由是而釋煩辱之事則宜知自貴重矣可

部侍郎倪思訪備  
至尊壽皇聖帝聖政特轉一官

教昔者仲尼序書斷自二典以為堯舜揖遜之美後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉具官某以折衷六藝之學發明心傳以同風三代之文揚厲治効作宋一藝垂之無窮及此奏篇朕為之序日上慈宸 壽皇嘉焉藉使仲

尼在宜如何表異之而有司以故事第賞爰進一官此朕之所甚不愛也可

祕書省著作郎黃由沈有開著作佐郎李唐卿王密太常丞兼 國史日曆所編類 聖政檢討官章顯

將作少監黃艾並該備進 至尊壽皇聖帝聖政內黃艾係經脩不經進各特轉

一官

教具官某等昔者仲尼序書斷自二典以為堯舜揖遜之美後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉爾等各以名儒載筆東觀作宋一藝垂之無窮及此奏篇朕為之序日上慈宸 壽皇嘉焉藉使仲尼在宜如何表異之而有司以故事第賞爰進一官此朕之所甚不愛也可



承信郎監潭州南嶽廟徐靖忠訓郎祕書省書庫官  
威端友訓武郎監祕書省門梁周弼翊郎趙章該進  
至尊壽皇聖帝聖政各轉一官

敕具官某皆賞典也而他以待煩辱之勞至以祕書局進  
則獨寵矣爾尚勉思無忘忠報可

武功大夫降授昌州刺史帶 御器械霍汝翼該進  
至尊壽皇聖帝聖政特轉成州團練使

敕具官某鈔繁之勞驟學士大夫力也而無入乎其間則安  
能關乙夜之覽今也奏牘來上俞音不遲慈庭有澤冊府改  
觀是誰之助歟則以爾靖恭實與執事通達中外其勞實具多  
天以文字得官皆德賞也進之遙刺孰曰不可其尚勉思以  
稱殊渥可

宗正少卿鄭汝諧奉使回侍轉一官

敕具官某爾以老師宿儒銜命萬里脩隣好於北庭縉紳往  
往憫勞汝矣朕觀春秋使騁之際楚人欲傲晉叔向以其所  
不知而不能晉人亦曰鄭子產博物君子也而皆異其禮有  
以六國而徵老師宿儒專對四方非所以令遠人見也迨茲  
歸報豈馬無闕而書勞進秩但循故事宜朕所以相勞苦之  
意哉爾其少休嗣有寵數可

閤門舍人兼 皇子嘉王府內知客譙令雍奉使回  
特轉一官

敕具官某嶺上閤之儀聯朱邸之事皆華選也爾以趣操文  
藻至於共二可謂吾親臣矣是用命爾介于膏使銜命萬里  
脩歲聘於北庭迨茲歸報豈馬無闕則朕所以相勞苦之意  
何但循故事增秩哉有亡掄用朕不汝忘可

奉使親屬一員淮東安撫司幹辦公事譙令憲准借



差遣一員新監明州賭軍酒庫黃仁裕書狀官一員  
新明州昌國縣主簿楊正臣指使將仕郎葉時中將  
仕郎鄭知等回程各轉一官

敕具官某等凡出疆者有賞所以勞苦之也爾隸使事與於  
驛馳追茲歸報書勞進秩蓋國舊章朕宜汝咨可

閣門宣贊舍人宋克俊夏允言閣門祇候蔡唐卿等  
慶恭並該應舉人使十次賞各轉一官

敕具官某等贊儀上閤能與聘客周旋十不失一亦既勞矣  
課効增秩蓋國舊章尚益靖共以頌器使可

浙江潮神順濟廟善利侯祈禱感應特加忠靖二字  
敕某神朕固不為祕祠專鄉其福也至四方長吏有為吾民  
請曰某山川之神能惠其境中則褒崇之與朕靡愛焉以庶  
幾古蜡百神之義矧惟濤江近在寰內而有司以報禮未稱

將侈大之用錫美名以從民欲神尚終惠使世世享可

素州仰山神特加父母妃施子婦封號

敕某神等朕固不為祕祠專鄉其福也至四方長吏有為吾  
民請曰某山川之神能惠其境中則褒崇之與朕靡愛焉以  
庶幾古蜡百神之義惟仰山之神禮以王祀而自江以西猶  
未慰滿是用推本父母施及子婦或隆品秩或衍稱號朕所  
以寵嘉神貺以從民欲者如何哉尚終惠之俾世世享可

知平江府沈樸奏五龍靈濟廟乞加封第一位龍

王封東靈侯第二位龍王封西侯第三位龍王封中

侯第四位龍王封南平侯第五位龍王封北寧侯

敕某神等朕雖不令祠官祝釐專鄉獨美至四方長吏有為  
吾民請曰某山川之神能惠於其方則褒崇之與朕靡愛焉  
以庶幾古蜡百神之義矧惟五龍以時節雨暘功著近甸雖



良二千石雅不言機祥而具道所以然之故文詞爛焉爰錫命書秩以侯爵則所以寵嘉神貺以從民欲者何如哉尚終惠之俾世世享可

懷安軍金堂縣進士黎崇禮年一百三歲遇大禮恩特補迪功郎致仕

教某昔在元祐合祭于園立之歲而汝以生於今五朝矣朕方奉觴兩宮為萬歲壽迺如高年甚心羨之爰因郊禋登諸仕版以見吾貴老近親之意且以教天下之孝也可

翰林醫愈充重華宮擺鋪軍兵醫治兼臨安府駐泊省醫邢守中到官及二年轉額外翰林醫痊

救具官某天官之屬六十而醫命士二十有八人周家之重醫也如此再歲無失爰進一官此又吾家法也往服明恩毋怠爾事可止齋先生文集卷之十一



